

5476.3/83

~~6101~~ 24

HARVARD COLLEGE LIBRARY
FROM THE
HARVARD-YENCHING
INSTITUTE
FEB 1 1932

5531.320



御製詩初集卷之一

古今體六十一首

丙辰

辰

巳

午

未

申

酉

戌

亥

子

讀貞觀政要

懿德嘉言在簡編
憂勤想見廿三年
燭情已自同懸鏡
從諫端知勝轉圜
房杜有容能讓直
魏王無事不繩愆
高山景仰心何限
字字香生翰墨筵

題王諤豐年農慶圖

金颺蕭蕭楓葉落
高空爽氣橫
寥廓如雲多



稼漸登塲歡騰西墅連東郭白鷺下水烏捷
閒池田波靜流潺湲秋原稜穗雜黃紫乍似
春迴萬井間剝豚烹魚為翁壽新梁炊飯香
噴口三時拮据豈徒勞共喜西成獲大有弱
婦房中自理機砌蛩唧唧催寒閨可知衣食
民生切辛苦終年無已時

獨居

靜几明窓遠絕塵花香鳥語總天真每殷已
溺已飢念難作無為無事人

昔予讀書之暇間亦旁涉繪事嘗恭製

數圖進

聖母用供清玩茲蒙

聖母宣付裝潢仍

命各題以句敢辭不文聊以効九如之頌云

爾

埭畔凌冬傲雪株濡毫渲染黠清娛松枝翠
拂蒼鸞尾竹實紅垂火齊珠香散檀心欺蠟
淡花懸磬口帶寒敷作朋三壽微忱切生意

長含看此圖

右題松竹梅畫幅

溥溥珠露未凝霜丹桂黃花應節芳細蕊密
攢金粟碎踈英低蔭玉墀香喜從月殿分根
遠愛飲秋泉益算長同是神仙稱上藥駐年
無羨九霄觴

右題桂菊畫幅

一枝穠麗占東風生態晏陀落畫中澹暈華
脂饒的皜細鏤紅玉著玲瓏菜酣宿露凌晨

沃香散春晴傷午融見說西池培植厚人間
富貴詎能同

右題牡丹畫頁

梨花開足晚香含白燕飛來春正酣棲傷銀
雲人不見祇聞好語報呢喃

香雪霏霏入眼新一雙玉剪舞暄辰上林景
物非人世花鳥春來搃絕塵

右題梨花白燕畫頁

梅雨初收候林蘭每放花素苞欺雪艷粉蕊

淨鉛華映月姿逾澹臨風香更賒多情憐野
雀棲托一枝斜

右題梔子花畫頁

冷露暗滋秋草著花紅紫成堆小鳳貪餐竹
實合教一處同開

絡緯送聲秋至蜻蜒弄影風涼幽卉一叢舒
艷都來石畔尋香

右題鳳仙石竹畫頁

天際雲呈白玉盤花光如雪望漫漫冷香離

合因風悟

楞嚴經云香以合
中知離則原無有清影橫斜界地

寒開處已知春漸逗折來常記臘初殘月明
林下青邱句彷彿今從畫裏看

右題月下梅花畫頁

覽舊作誌懷

芸帷書史昔流連今日拈毫屬偶然賸有憂
懷批奏牘那餘逸興賦詩篇漏聲滴盡銀壺
箭香縷飄殘寶篆烟輸與去年瀟灑甚綠窓
愛月正遲眠

御製詩初集 卷一
八月二十三日恭遇

皇考忌辰感成六韻

憶昔承歡際晨昏不暫離誰知風木恨暗覺
歲華移

顧復懷終古睽違忽已暮

聖容常在望色養永無期涼露如添淚寒雲
祇益悲西園回首處痛劇去年時

詠禁中紅葉賦得霜葉紅於二月花

寥天爽氣到楓宸恰有霜枝點綴新色借花

欄紅乍染影依玉砌冷初勻鬱森未許遊蜂
集絢爛還教宿鳥馴更喜西成逢稔歲萬家
雨露沐陽春

丙辰十月十六日恭送

皇考梓宮至

泰陵奉安

隆恩殿告祭還京悲慕如疑呼搶欲絕途次
敬成長律以誌深痛

過隙光陰歲已週

龍輿朝駕痛難留，纘承任重何由報。
顧復思深未少酬，
雍邱迴看宮闕寂。
橋山空對几筵愁。
尊親寰宇傾心久，夾道蒸黎搥淚流。
兩行衰柳幕寒烟，一路悲風拂綵旒。
易水如添愁脉脉，燕山不斷恨綿綿。
未過虞帝巡方載，猶少成王享國年。
夢裏瞻依仍似昨，問安常在

寢門邊

楓葉初丹槲葉黃，當前觸目助悲傷。

鼎湖冉冉寒空靜

蘆殿淒淒夜月涼，憶斷白雲還杳渺。
望窮碧落轉蒼茫，悲懷長此增沉痛。
忍別

山陵路阻長

雖是

元宮未閉時，可堪無處睹床帷。
鬱葱巖岫千靈護，颯沓松楸萬籟吹。

仙馭漸離心未遠歸鞍將去意多遲言旋正
值稱觴日 十月三十日是皇考聖誕辰也 空向

慈容獻壽卮

十月二十五日得雪

同雲四野望漫漫瑞雪霏微失遠巒
麥壠乍欣占稔歲茅檐還慮怨祁寒
飄飄柳岸飛輕絮點綴梅村剪薄紈
寂是上林饒景色小春時節玉花攢

冬至

南郊

黃鐘應律肇千祥喜見

天心復一陽子夜灰飛旋泚氣

泰壇日麗散晴光明裡盛禮稽三代御世鴻

猷愧百王祇祝精誠通

帝載眷予寰海樂倉箱

題秋山行旅圖

踈林葉落羊腸繞淒涼旅况燕山道
馬蹄踏月人影斜炊煙未散霜花曉
世人名利紛勞

勞空教驚起棲枝鳥

賦得山雞舞鏡

七言排律十韻得山字

名禽聞說來荆國舞向菱花意轉嫵寶匣乍
開看皎潔雕櫳初對訝爛熳娉娑應節疑張
錦孌娜含姿半鞞鬟小折胷時文綬亂大垂
手處絳綃殷光懸桂窟虛堂畔綵綯霓裳夕
照間顧步多應憐藻耀呼朋好試語間闕詎
同鷗鳥羣驚客却比佳人自惜頰雲翼罷梳
還獨立星眸迴盼許雙攀一奩水月平分影

幾隊鷓鴣共接班只為空明矜矯翅便教飲
啄忘棲山風翻翠帶簷枝亞春暖重茵砌蘚
斑欲擬當前誇綽約可知箇裏本舒閒

夏日書懷

宮柳陰濃殿閣深冰榭不受暑來侵南風未
解吾民愠慙媿蒼生愛戴心

題蘆洲白鷺畫幅

縠紋搖漾水天秋蘆葦蕭蕭颭晚洲妙趣南
華誰解得祇應鷗鷺一羣遊

恭祝

壽祺皇貴太妃七旬大慶

碧空爽度絳雲飛壽域宏開恰古稀慶衍三
朝推泐範惠敷六列式清徽露珠凝掌瓊膏
溢月鏡澄宵瑞靄霏福祉繁增天共遠稱觴
歲歲啓彤闈

丁巳八月二十三日

皇考二週諱辰以禾稼盈疇勉從諸王大臣
請未得躬謁

泰陵謹於

雍和宮行禮中懷耿耿孺慕莫伸灑淚述哀
敬成一律

淒淒涼露兩沾裳每憶

音容痛斷腸寢殿秋深冠劍肅

鼎湖雲隔路途長未酬

高厚懷終古豈意星霜歷大祥去歲几筵猶

在望迴看

雍邸助悲傷

雨夜詠懷

欵枕城烏喚曙時
雨聲漸急漏聲遲
廉纖細潤應含
麥料峭輕涼欲透
帷治理每慚先哲
訓憂懷未許侍臣
知更闌點滴難成
寐萬戶饑寒靜裏
思

方方壺神嶽瓊林圖

塘嶙嶪麓仙人宅
琪樹瓊林參漢碧
金堂十二只茅菴
笑指洪厓肩可拍
何年換骨遺方壺
偶寫宿遊懸圃跡
我今掛壁眄烟霞
忽忘

高奔迅過隙

舟行

春光漸可尋
春水一篙深
溪轉看花抱
舟行逐鳥吟
錦叢醺螭醉
綠藻隱魚沉
物物皆天趣
悠然稱我心

黃子久溪山雨意

溪山未雨雨意來
蒼茫含潤無點埃
驚禽覓葉枝頭急
漁父披蓑谷口迴
麥壠新綠

韶光迴麥壠延眺蒺清娛綠意村村遍生機
日日殊皺紋渾似水黛色尚分區佇望甘霖
灑青針貫玉珠

小匡廬六首

恠石蒼龍似飛泉玉練如天然隔塵境寂數
小匡廬

衆木頗翁鬱青松迥出羣時有微風至蕭蕭
天籟聞

掛為瀑布寒散作菱花皎誰點星星黑雲中

一飛鳥

池亭架波上俯視流泉洑何用披南華即此
當秋水

仰有陰可乘俯有魚可釣中有靜觀人悠然
發長嘯

暑雨思民怨薰風想舜琴乘閒此小憩撫景
媿吾心

馬文壁秋林釣艇圖

霜落澄湖魚不餌釣車偶弄滄浪意丹楓綠

嶼靜高秋獨坐閭閻無一事
無數溪山幽復深科頭把釣喬柯陰底事白
鷗不飛去之子原無羨魚心

甘霖普降特召大學士內廷翰林圓明
園泛舟遊覽即事成詩同諸臣面賦
以誌一時勝賞時乾隆三年六月六
日也

偶因幾暇事遊觀特許儒臣禮數寬霽見山
容凝翠黛風披水面縐冰紉泛舟共勗濟川

訓即境還思力穡難前日甘霖敷澤遍新詩
分賦誌同歡

題趙伯駒蓮舟新月卷

泛月四時宜九夏為尤善荷塘窈而幽淥水
清且淺不必擷芳華虛明供靜遣灑然玉壺
冰色香俱難辨

六月七日率王貝勒等泛舟即景

勝地尋幽賞天倫樂事并舟迴芳甸轉雲淡
遠山橫新霽田疇潤微風景物清水禽飛上

下搃是樂生生

馬文壁山水用韓奕題畫元韻

吟餘繩榻拋詩卷獨展煙雲對穹嶽波上危
亭俯碧澍吳淞半江不須剪朝水渾疑華子
岡畫耶真耶兩欲忘胡為千里江山景收入
咫尺青絲囊蕭齋倚咏興不少灑然心共秋
雲表憶在中盟精舍中小窻開處堯峯曉

新秋泛湖

一夜西風催溽暑滿天爽氣送新涼輸將團

扇三分冷贏得平湖十里光野艷沿堤秋卉
簇殘紅亞水晚荷芳輕舟棹入煙波裏愛聽
漁歌引興長

題高克恭林巒烟雨圖

溟濛那辨菰蒲嶼林鳥低飛亂煙雨前溪漁
父棹舟歸不覺蓑衣重幾許

倪元鎮松亭山色即用其韻

蒼松白石皆堪賦點筆秋光罨軒戶我偶得
之不忍捨彼草亭中曾少住何須更咏石田

句是圖有沈周題跋所紀收世間得失空雲
藏數家頗寓得失之歎云霧蕭齋一榻篆烟清窗外義娥任晨暮

八月二十三日

皇考三週忌辰感成長句

逝水馳駒歲月遷

音容莫覩竟三年劬勞忍誦慕我什繼序時

慚訪落篇惻惻沾裳寒露曉淒淒對景暮秋

天鼎湖在望

龍髯杳仰首高旻淚湧泉

秋夜南苑行宮懷舊偶作

再經南苑動秋情別殿宵深景物清
最愛寒光窗外暎那無逸興靜中生
閒階亂草低螢火古寺疎鐘叩月明
奏牘手批更漏永轉教重憶舊經橫

題王原祁虞山秋色圖

虞山山色朝夕變惟有秋光最可人
老筆蕭蕭為寫照高松落落皆傳神
儘饒紅葉爭繁艷却與白雲結好鄰
吳下年年秋不改麓臺

幾度參迷因

戊午季秋祭歷代帝王廟禮成紀述八
韻

明禋稽古制殷禮值秋時肅肅旂常列蹌蹌
鶴鷺隨爽風開寶扇旭日耀靈祠兩序陳鐘
鼓千秋煥鼎彝羨墻增愜慕典籍信昭垂對
越嚴將祀欽承儼若思志曾希舜禹心愧作
君師代謝固天運孫曾鑑在茲

秋日圓明園即景

紅葉千林似錦張秋容端不讓春光南軒日
暖簾初捲曲沼波寒魚半藏戰雨晚桐漏踈
影冒霜早菊先重陽平添詩客三分興熟境
應忘若箇忘

冬至齋居偶閱舊稿誌懷

靜聽迢迢宮漏長齋居暫屏萬幾忙那無詩
句娛清景恰有梅梢送冷香案積陳編閒檢
點志期舊學重商量灰飛子夜調元律又喜
天心復一陽

詠盆中天竹子

葉簇青青子綻紅三餘幽伴小齋中
丰姿艷結珊瑚穗節榦清標筠籜叢
斜拂爐煙雲作帶微分階雪玉為籠
宥教鼻觀輕參破月滿寒窗霜滿空

賜大學士嵇曾筠

海疆三載耀台星沙漲金堤瀆協靈
此日黃扉資贊化昔年絳帳憶談經
旌揚浙水行來遠路指燕山望裏青
料想微疴應早復丹誠

平格享遐齡

戲題漁樂圖

網得魚蝦足酒錢醉來蓑笠伴身眠
漫言泛宅曾無定一曲漁歌傲葛天

冬夜偶作

風簾送竹音月牕散梅影稍喜萬幾暇
敲句寒更永棲鴉寐不鳴漏滴銀壺靜
遙想謀利人夜半喧市井設非為衣食
肯冒清霜冷飢溺聖人心撫躬常三省

行樂詩補集 卷一
曩吾詩興豪即景抒清思非云誇別裁藉以
道已意茲偶拂吟牋捉筆聊且置豈嫌推敲
苦為恐襍心志吾志在何所望道猶慙未曾
聞聖賢語躬行實匪易

盆卉吐芳葩氣轉陽和新匝匝屏風開嶙峋
獸炭焚縷縷篆紋斜一室藹如春却憶閭閻
間比戶窶且貧龍堆雖罷戰尚有長戍人譬
彼嬰兒啼父母寧忍聞念此展轉愁丙夜憂
思頻

昔愛冬夜長隨意消清福今苦冬日短剪檠
批奏牘稍暇兀然坐詩興亦局速豈無玩好
資足娛耳與目開編對聖賢祇覺增慙慙

臘八日雪

一夜同雲布凌晨散玉花窠宜逢臘日頓覺
助年華麥壠從添潤梅村欲放葩所欣占歲
稔不為藉烹茶

御製詩初集卷之二

古今體七十八首 己未

新正二日召集羣臣於乾清宮賦柏梁

體詩朕既首倡又成七言一章

泰交堂陛列駕聯日暖彤墀泝景鮮祇以賡
歌鳴喜起非誇宴樂沸絲絃觴浮柏葉添吟
興筆灑瓊華映綺筵更慶元正飄六出又增
新瑞紀瑤編

題錢選孤山圖即用其韻

雲溪古筆得天隨能畫能傳畫裏詩誰道逋
翁句難續依然踈影暗香詞

二月十三日恭侍

皇太后遊瀛臺紀事

永康曉闢問

安迴鳳輦晨遊重侍陪搖曳晴光看御柳分
明春色遍宮梅西山翠暎屏風列太液冰融
鏡面開仰識
慈顏多悅豫熙熙萬物樂春臺

題趙伯駒桃源圖

漁父重來舊路迷桃蕊片片水澌澌詎知洞
口維舟楫已與人間別叮畦桑柘陰蒙雞犬
墅雲山春靄鈔鑼谿南陽劉子胡為者却向
丹臺問玉梯

題唐寅江南農事圖

山村水郭聽吳歌寂是江南佳勝多不必樓
臺烟雨裏却看桑柘晚春過秧針插遍青千
頃繭簇堆來白幾窠吟罷七言雙槩盪同予

律書言不集 卷二
樂處在人和

題關仝蜀山棧道圖

關仝真蹟天下少十人規撫九背馳蜀山棧
道之子作橫雲劍閣高巖巖五丁斧痕留絕
壁秋風落葉流水澌裝池屢易姓氏去細認
手筆無然疑試看氣韻生動處猶使人饒蜀
道思

暮春圓明園即景雜賦五首

夜來膏雨足曉起倚前楹芳園景已佳百卉

爭鮮榮迷離柳絲重間關鳥和鳴遠峰螺髻
翠新漲鏡面平依依陌上花向人如有情維
我值幾暇裁詩聊品評品評何所樂所樂足
春耕

掃黛山排障拖藍漲滿塘樓臺憑點綴花木
雜芬芳夾鏡浮飛竦平流泛畫舫風凌松榦
古日逗竹陰涼信矣神仙境悠然物我忘畫
圖曾省識三島水中央
悠然憑眺樂如如萬頃波光接太虛不空烟

嶺浮嶺岫無心飛躍任鳶魚風吹穀面文章
好詩託峯眉氣象舒試弄扁舟泛寥廓遐情
還憶渭濱漁

心閒境自幽樹老園更古况復近西山雲氣
時吞吐結茅為屋宇欲識農家苦俯仰覺安
和何必誇瑤圃

石泉繞砌聽鳴渠花竹當軒暢遠襟不必靜
觀方自得由来物物見天心

詠松三首

龍鱗百尺鬱菁葱獨立亭亭衆植中謾道性
剛多傲物歲寒梅竹許相同
扶踈新榦手親栽偃蓋俄成亦壯哉豈是上
林培植别由来造物重良材
高標迥出重霄秀本色常留四季青為重堅
貞栽砌畔綠陰如滴滿軒庭

新霽

庭柯含宿潤徙倚步芳蹊山淨疑將近天空
望轉低一聲來款乃萬頃浸琉璃遙想江村

裏秧苗正插齊

雉將雛

行行麥壟邊見一雉將雛雛兒纔長成啞啞
 學母呼解一翅軟未解飛嘴嫩未能食飲啄與
 遊翔皆賴顧復力解二兒兮依其母母兮愛其
 兒一朝羽翼全那料南北飛解三有童持長竿
 捕雛何遽遽老雉雖善飛繞匝不忍去解四雛
 兒頗有智藏伏荆棘間棘密難採取頑童悵
 空還解五須臾童去遠老雉還來視母子得全

活鼓翼心倍喜

解六

爾童一何忍爾雉一何慈

孰謂天良心人禽乃倒之

解七

觀物可會心撫

古常自鏡今朝忽見此大愧中牟令

解八

題趙孟頫水村圖手卷

屈子卜居後潭邊漁父逢滄浪鼓棹去煙水
 自重重

題盛懋秋林蕭散圖

佳蔭之下鋪芳蘅是何處兮曰蓬瀛青鸞白
 鶴兩不藉飄飄旬五御風行

初晴晚照
落景掛平林初晴景倍好霞連天際山風動
枝頭鳥閒心遊物外逸興託雲表茲焉足自
適何必尋蓬島

李唐長夏江寺圖

上方宜結夏溪壑幽且深瑟爾籟盈耳蕭然
風滿林清江澄定體古月照禪心欲詠丹青
妙雲烟杳莫尋

仇英碧梧翠竹圖

石泉窈以清梧竹復修翠誅茅為小楹延得
青山致幽人兀然坐開卷默而識彷彿沂水
風吾與點也意

咏瓶中新荷

玻璃瓶子蒜頭粗綽約新荷插幾株簾幙風
輕香欲送几筵光淨澹如無乍疑仙子垂文
履不數冰心在玉壺愛煞虛明表裏徹書窗
坐對足清娛

題韓滉豐稔圖真蹟

開元賢相有肖子書傳張旭畫僧繇老筆蕭
蕭寫村牧不異丙吉問喘牛或降于阿或飲
池村邨擊壤西成秋此景祇宜圖上看度支
當日煩持籌何如貌瘦天下肥明良一德誇
韓休

己未夏六月恭進

皇太后字扇一柄謹成五律

玉漏林間度遲遲日正長問

安承色笑撫景願清涼冰簟堪驅暑薰風恐

拂裳寸忱託輕箑長此效黃香

大學士福敏久未入直為賦長句賜之

為憶傳經開絳帳還教贊化入黃扉精神秋
水原無滓氣象光風却久違武相只今勞杖
履文丞應即整裳衣喜逢長至晴和候待步
金門暖日暉

六月十八日初霽恭侍

皇太后園中遊賞謹成一律

膏雨公田足歡遊禁苑多欣陪

文母御不數漢王歌山向雲中隱舟從畫裏
過

慈顏添豫色至樂復如何

即景

一夜西風催溽暑半空爽氣入樓臺陰雲淨
掃青天迥却訝新秋陡地來

沈周仿倪雲林筆意卷

仄徑曲緣流秋雲溼蒼樹蕭然山水間獨許
幽人步

石泉墜滾滾盡向平湖瀉踞石弄絲竿不為
游魚把

倦立青松下松根亦堪枕對此忘蹄筌誰辨
倪與沈

我是廟堂人每愛山水趣板橋俯碧溪待我
支筇度

秋雨

響送秋聲夜雨長朝來添得幾分涼廉纖乍
潤蔬畦綠漸漉頻霏菊蕊黃暗鎖遠嵐疑是

霧寒侵晚圃却非霜凭闌眺望增吟興一幅
顛翁畫渺茫

倪瓚獅子林圖

借問獅子林應在無何有西天與震旦不異
反覆手倪子具善根宿習摩竭受蒼蒼圖樹
石了了離塵垢聲徹大千界如是獅子吼

九日

菊蕊舒黃楓葉紅重陽還與去年同却驚時
序馳駒隙湯惜芳菲逝水東落帽輸他誇俊

逸宵衣惟我積憂忡朝來縱不登高望萬戶
饑寒在眼中

題文嘉南村草堂圖

面水澄泓背碧山幾楹蝸舍綠楊環箔頭摘
繭開簾晒町畔看秧杖策還太古林泉惟靜
靜長年雞犬自閒閒應知塵世無堪比只在
桃源蓮社間

恭奉

皇太后恭謁

孝陵

景陵敬成長律

扈蹕馳千騎鳴鑿駕六飛紹先思

祖德色養奉

慈闈爽氣催征轡霜花散曉暉有秋歡里巷
鼓腹遍郊圻松柏森元路雲霞護玉衣
承凜凜

冠劍仰依依言念開千古憂勤萃萬幾維清
欽

陟降瞻拜重歔歔

賜直隸總督孫嘉淦

霜落平原秋已深鳴騶不為散幽襟如京稌
黍村村景慰我君臣望歲心

登盤山口號

千林落葉見山容翠嶂丹崖厯幾重漫憶當
年曾訂約今朝果上最高峯

舊作望盤山有寄語山靈頻訂

約他年擬上最高峯之句

登盤山天成寺江山一覽閣作

兩峯天闕仙壺路到眼江山萬派分樹匝丹
崖空外合泉鳴碧澗靜中間緣階躡走秋聲
細裊鼎香飄瑞靄紛今日身行圖畫裏六塵
幻有等浮雲

南苑大閱謁元靈宮宮是

皇曾祖世祖章皇帝建也敬依

皇祖聖祖仁皇帝韻以誌敬仰之忱時冬至

月朔日

閱狩金輿駕鳴騶赤羽翔千官分鷺序萬姓

仰龍光雪積平原白泥鋪御道黃翠華來別
苑初地散天香杳靄雲生路蕭森松泛涼星
辰圍斗宿丁甲護虹梁屏念瞻瑤殿虔心禮
素王若臨欽在上作極愧惟皇祇以紹庭切
何能與物昌律身懷監史敷化體

穹蒼文德猶慙未武功不敢忘菟苗遵古制
逸豫戒禽荒簇簇雲屯盛悠悠霧旆颺一陽
初應律三白已呈祥漸覺條風扇新添麗日
長覲揚吾未逮布治願平康

南苑獲野禽恭進

皇太后

積雪滿郊坰三冬農務停鳴笳齊隊伍布令
疾雷霆馬足奔如電鷹眸迅似星山禽味鮮
潔飛騎進

慈寧

時巡近郊見西成有象喜而賦此

緬懷春之暮彼蒼有旱意憂心怒如焚中夜
望天賜賑恤發太倉綢繆無不備賦彼雲漢

詩展轉詎能寐好生天之心一雨蘇萬類苗
耆日以秀秀耆日以穗時巡屆初冬夙駕催
六轡盼茲場圃間頗覺倉箱積千畝幸有獲
二鬴猶未遂稍足慰吾心尚未愜吾志吾志
伊如何教養非二事即今比戶間豈盡知孝
義披褐者農子前驅莫訶避疾苦當諮詢痾
瘵予增愧汝饑誰之由汝寒誰所致調賜出
泉府旬宣屬官吏猶恐億兆民未盡霑實惠
際此薄有收聊可酬望歲寄語為政者豐年

實為瑞

望西山積雪

天然圖畫開屏障
瓊樹瑤葩不識名
記得河陽生動筆
直教人在座中行

德壽寺

招提建百年勝境
壓諸天樹古龍蛇
矯壇高雲霧連珠
旛飄赤篆寶鼎羣
祥烟暫去空林杳
猶聞鐘磬傳

大閱

時狩由來武備修
特臨南苑肅貔貅
龍驤選將頗兼牧
天駟掄材驥共驅
組練光生殘雪映
旌旗影動朔雲浮
承平詎敢忘戎事
經國應知有大猷

咏盆中佛手

一指天龍孰與儔
却教糟粕至今留
爭如滿樹黃金相
移得江陵八月秋

夜

剪燭閒拈咏
離宮刻漏長
松鳴千古韻
月散

一窗涼夜靜幾常勅時和物小康永言勤治
理民瘼敢輕忘

南苑新衙門行宮即事

南苑重來羽騎馳離宮未御已經時新詩消
遣閒中興舊學商量靜裏知花笑迎人誇得
意鳥吟為我話相思留連不是耽風景却惜
年華暗轉移

捕魚

萬頃滄波綠千鱗錦鬣紅中流鼓枻處樂與

衆人同

倪瓚水竹居圖

十笏蝸居却可居灑然水竹適三餘閭浮提
裏無塵界靜致山中太古初倦倚匡床閒夢
蝶獨臨曲沼樂同魚還思放筆徜徉際白石
清泉盡起予

偶仿唐寅筆意作寒梅小景并題以句

清標宜象外春色在枝南瀟灑將塵遠芬芳
與靜諳遐心聊復寄生意幾多含恍憶書窗

曉還憑結習叅

題唐寅松溪獨釣即用其韻

松下科頭把釣居任呼漁父任呼魚因之識
得魚兒樂不在蒙莊一卷書

王蒙坐聽松風圖

偶來松樹林趺坐虬枝下忘筌弄泉石謾謾
幽籟瀉主人對客言橫琴為我寫客謂主無
須聽取真琴者

黃居寀山鷓棘雀圖

棘雀愛卑棲山鷓喜清廓雀在高棘枝鷓步
低泉壑圖之素絹中短言識其畧常聞古人
云君子慎所託

十一月初七日得雪時大雪節也喜而

有作

小雪雪霏霏

小雪節亦有雪

大雪霏霏雪今年三白

早喜復應時節朝來盼庭除皚皚堆玉屑上
林冬欲半滿樹瓊英纈曩余饒逸興玩賞吟
清絕值此六出飛豈不中心悅所樂在田疇

望歲念弥切裁詩為誌慶那更論工拙

紫光閣閱武舉射

掄材臨別苑射策對明廷養士百年久干城
九塞寧瑯弓懸滿月羽箭迅流星為問趙桓
輩能通黃石經

孔雀

異物非為貴懷柔亦有方暫辭蠻嶺月不耐
帝京霜孔雀性惡寒暎日先張錦迎風自炫粧雕
籠供飲豕何必憶山梁

詣

慈寧宮問

皇太后安

親詣

慈寧問

起居瞳瞳曙色曉光舒承歡祇領
徽音訓歸路思維樂有餘

冬至有事於

南郊敬成八章章八句

於昭

天鑒眷於有德佑我

太祖東土是式

帝命不顯皇清不靈明德惟馨以畀萬邦章一

赫赫

太祖

天篤其祐穆穆

太宗丕顯丕承駿德光昭爰受鴻名建國紀

元肇定大清章二

暨我

世祖混一區夏

聖祖紹之容民厚下民安於耕物適於野六

十一年惟

天降嘏章三

皇考翼翼思為君難立綱陳紀祇承克艱授

位渺躬受命自

天敬念紹庭敢忘寅虔章四

日惟長至爰卜

南郊三齋五戒將事吉朝式瞻百辟玉珮金
貂式虔爾心無或逍遙章五

爰升燔柴燔柴維烈爰陳俎豆俎豆維潔惟
予小子敬捧蒼璧明明

帝神尚其來格章六

神之格思降福穰穰敢曰予小子誠通

昊蒼自我

祖宗受嘏惟純

景命綿綿逮我後人章七

伐鼓淵淵建旆翩翩祀事用成福祿來駢匪
以祭而專匪以燕而遷對越

昊天豈敢間予乾乾章八

冬至

慈寧宮行禮

和風習習滿簾櫳

慈壽無疆祝華嵩不獨宮闈增喜氣光天孝

養萬方同

拜舞瑤階日影移南山為壽獻新詩

宮中堯舜垂裳處正是初陽乍復時

恭上

皇太后聖壽詩

初長晴旭照丹墀
靄靄祥光散綵旗
宸是瑤階稱祝日常逢
玉琯復陽時
和風淡蕩頻傳
喜好鳥間闕
解獻詩敬捧霞觴
介眉壽千秋
萬載沐

恩慈

王蒙秋山蕭寺

秋山作四鄰
蕭寺枕嶙峋
愛此無中色
留將幻裏真
蒼松原不老
碧水自離塵
驢背獨歸客
何如蓮社人

古琴

古桐三尺剡以絲
黃金丁星間作暉
聲絲音暉主輔毗
龍齧鳳額相差池
漆古斷作鱗之
而春風駘蕩花融
怡秋霄明瑟月皎
子壺嶠出海高巍
巍流泉若咽若奔
馳擬金戛玉明堂
儀空山無人胎仙
飛風車雨馬雲霞
衣蟬

行樂言不集 卷二
哀鴈肅幽蘭猗天地事物神人祇萬狀惚恍
皆可為情忻情戚俄而移惟君妙指所命之
此一大士號聞思清淨不涉離與微

李成茂林遠岫圖

淡沲蒼山蔚古枝惟應造物與為師何人著
論名無李是處營邱放筆時

趙昌寫生蛺蝶

青蟲出菜甲旋復化為蝶已不復蟲生滅
迅交睫栩栩飄秋煙迷離貼露葉煉得長生

術金丹了無涉

題余省秋芳圖

女夷應是惜韶華點綴繁英分外嘉數種寒
芳凝玉露幾枝濃艷注丹霞興添敲句抽思
麗清伴赫香裊篆斜見說家丞重秋實祇今
秋實讓秋花

唐寅款鶴圖

臨臯道士堪為友羽帔蹁躑揖客言愛爾扁
舟聊共泛相看漫擬衛公軒

唐寅釣魚圖即用其韻

蒼山白水盡如如飄泊輕舟也儘渠獨把絲竿澄宇濶何須評論是非魚

夜靜觀書

深宮夜靜漏聲長芸籍閒披御案香為念民
依難洞志頻觀書史鑒興亡

養心殿古榦梅

為報陽和到九重一枝紅綻暗香濃亞盆漫
憶辭東嶠作友何須倩老松鼻觀叅來諳斷

續心機忘處對春容林椿妙筆林逋句却喜
今朝次第逢

御製詩初集卷之三

古今體九十一首

庚申一

題文徵明蘭亭圖

脩禊依然晉永和書成只待蕙山婆何須感慨論修短試看衡山駐日戈

夏珪秋江風雨圖

雨絲風片遠連天一棹漁舟萬頃烟無事買魚沽酒客却饒書畫米家船

題畫



庭樹侵簷綠蔭深披薰不藉五絃琴黃庭一
卷柴扉掩未許遊人杖策尋

題畫八首

微風細雨暮春時宰地青青蘸柳絲新水載
舟還力弱柴門絕客欲開遲尋山恰稱閒遊
屐披卷何須鎮下帷最愛子西得意句蕭齋
獨對有餘思

選勝新開蓮社場良朋策杖已相將縱橫細
檢空王語馥郁頻燒心字香幽夢乍醒知蝶

化塵緣欲淨驗龜藏陶公何用肩輿返也是
人間一酒狂

樹侵檐角草侵階散步新青印鞞鞋隔浦畫
圍排蟹舍遠山蒼翠潤琴齋愛耽靜息中書
趣為識清標從事佳王謝家風今尚在高談
揮塵傲無懷

溪亭消夏俯清漣波面風來簟縠鮮新笋成
林纔箇箇嫩荷出水故田田穠含花木閒批
點蒙叟逍遙減撲緣喚起羲之笑多事蒲葵

隨有不須錢

叅漢虬鱗翠十尋團團如蓋散清陰暫拋居士齊眉杖靜撫中郎焦尾琴拍上泉流疑澗底林端濤泛似秋深怡情自具成連調一幅希夷物外心

梅是山妻鶴是男逋翁妙偈阿誰叅靈臺明處丹成九耳觀清時笛弄三八字疏眉連玉笋小團雙鳳貯都籃旋收筆硯排書卷怕作文章博大慙

弄棹滄浪破碧流藥鑪茗椀伴浮遊神仙瀟灑惟同李天地沈酣不異劉有興只須來泛雪忘機那復慮驚鷗溪亭為問招呼者妙處逍遙也羨不

層樓蕭寂隔塵喧一卷黃庭獨閉門習靜從知泰宇定養生饒得谷神存架頭古史翻魚魯甕裏新醅泛罇罇底事漁人輕鼓柁槌花深處是仙源

夜雨

春暮如膏雨知時助發生冥濛迷晚色浙瀝
入深更澤潤良農樂寒添薄絮輕試思明曉
趣叱犢一聲聲

雨中看紅梨

只道宜晴雨亦宜偏親詩客露丰姿暫遊洛
浦將飛際小浴溫泉未起時濃抹幾番因洗
淨淡粧無力倩誰持天公應惜胭脂褪故把
珠簾四面垂

夏杲竹泉春雨圖

淙淙復淅淅竹泉邈窅窅春雲暗遠天飛珠
石厓滴颯奮動微籟琅玕韻相擊不惟眼界
清亦令心源滌

米黻岷山真蹟

尺幅衡牋畫蜀山雲嵐層疊許誰攀密圍古
樹四時翠獨閉柴扉鎮日閒苔色侵眸紛綠
縹溪聲入耳隱潺湲渾如雨霽輕煙歛矗矗
稜峰濯曉鬢

四月九日為怡親王誕辰作此賜之

朱邸恩暉永銀潢瑞靄浮
舊勲存柱石遺緒屬弓裘
詩禮崇芳範公誠勵遠猷
喜逢添算日花滿鳳麟洲

元唐棣棘林策蹇圖

石泉咽危灘輕烟散林表
新豐酒難沽寂寂空山曉
風吹墊角巾斜月猶皎晶
颯然風月懷豈慕長安道
試問灞橋人新詩得多少

四月望後雨澤未足朕憂心如焚臣工頗有以春雨既足尚可無憂者然而

無以釋朕懷也越五月丙寅雨澤既霑命駕進宮見路旁如雲而有秋者麥田也如油而茂夏者晚稼也乃快然以喜則知朕前此之憂不徒憂矣既以成詩爰命臣工和之

望漢瞻雲子夜中恩膏忽沛仰鴻濛恰欣渥澤能蘇槁宥信浮詞為省躬輦度麥圻黃幕幕盼迴黍壠綠芄芃薰風稍解吾民愠後樂先憂此意同

題元王蒙臨平秋早真蹟

楓丹松翠自天成不繫人間枯與榮無住相
中常住相何勞六一賦秋聲

崔子忠蘇軾留帶圖

印公四大偈東坡不能答留帶無語去芥子
須彌納當時勝負機將謂饒老衲玉帶生莞
笑既挂而復磕

夏日奉

皇太后幸靜明園

雨後園林景物閒六龍時幸奉

慈顏花迎步輦饒生意峯入窗櫺濯宿鬟隔
院踈鐘偏得得會心好鳥亦闐闐親承
色笑忘煩暑多少歡欣柳外還

賞遇樓

高樓構峯頂瀟灑似蕭齋林壑供吟興山原
入望佳霞光紅到座樹杪綠侵階錯繡看畦
畛悠然暢我懷

登靜明園古華嚴寺

雨餘曉岫矗新青
幾暇時臨翠輦停
為謁空王瞻月相
却教飛蓋傍雲扃
風鈴常轉蓮花藏
貝葉閒披金字經
試問奏章陳積否
隰林行漏已泠泠

河南巡撫雅爾圖奏進穀穗盈尺時六月二十日也蓋雨暘應時則穀熟之早有如此者既以示臣工爰作詩以誌慶

民天伊古重宵旰為祈年豫省災傷後去年河南

水被西成企望虔
喜看盈尺穗儼歷有秋田
稍解吾民愠披薰一暢然

題玉泉山呂祖洞

一片白雲掩石扉
推雲古篆辨依微
空中孤鶴數聲唳
應是岳陽三醉歸

采蓮曲

霞作衣裳露作珠
仙娥結束與人殊
一葉扁舟泛明月
纔離若水又方壺
六月春光太液池
靚粧無那日長時
紅衣綠

御製詩集 卷三
織渾難辨只有香風陣陣吹

暑雨

連朝暑雨亂如麻坐對珠簾面面遮
依約遠山猶入戶怨咨此日定誰家
蟬笙稍喜初停弄蛙鼓生憎晚報衙
贏得幾閒聊靜憇龍團新擘緩烹茶

雨後剪園中新蔬敬獻

皇太后謹成一律

夏畦雨足綠菲菲萼茁如酥韭葉肥
為驗農

乘臨別苑藉方蔴水奉

慈闈盤盛烟甲先秋冷手剪香芽滴露稀
生意靜觀欣自得還思發育遍郊畿

題唐岱山水幅

天際新螺翠欲浮坐來九夏似深秋
巖腰古寺開青障渡口歌橋鎖碧流
清籟吟空金氣肅寒鴉歸樹暮煙收
丹青妙處誇生動每對溪山一為留

泛月行

海雲湧出赤金鏡天風吹徹玻璃淨綠溪為
棹木蘭舟中流迭奏雲和令綠深蘆荻紅夫
渠飛任鳶子躍任魚兩間物物皆自適吾亦
因之樂有餘傷岸流光點螢火不須燭列金
蓮朶錦纜牙檣任所之由來無可無不可

茉莉花

雨後花房各自開因風時送異香來却嫌紅
紫三分麗幻出冰霜一段才清味醉餘眠蛺
蝶殘芳貼處潤莓苔林逋當日如相識應作

園中六月梅

閩中鮮佛手貢到恭進

皇太后

色如羅綿味轉清年年色貢值二庚封題更
進瑤池上佛手堪供
佛手攀

題松花石屏漁樂園

漁兒舟作家釣罷舟不繫橫笛臨風吹悠然
葛天世

螢

載月泛扁舟飛螢點點流飄光羣入夜報節
獨先秋貼葦明還滅因風動欲浮不須添蠟
燭夾岸散燈球

閏六月十二日夜聞螢

解衣欲就寢皎月當窗入何來蟋蟀吟枕畔
數聲急想為報秋信是月十五先期鳴唧唧
咽露已含涼振羽猶無力聽久不成眠旋起
披衣立徘徊倚軒楹往事堪追憶憶我少年

時感秋多歎息亦知終何裨興逼不能默程
子乃達者見獵有喜色我豈如彼賢好吟實
舊習

秋信

白帝傳金令霓旌已啓途祝融收後隊素籟
是前驅氣爽寒疑近天空遠若無何須愁代
謝徙倚弄修梧

月夜泛舟

泛月開輕舫微風送棹歌一輪懸玉鏡千疊

湧金波魚躍蘋花動螢流燭影過猶聞簫鼓
急別殿按雲和

侍郎梁詩正舊日講學臣也以父年屆
七旬乞與二品封誥特允所請并賜
以詩

舊日文章彥熙朝卿貳班重邀花誥寵不異
綵衣斑堂有槐三本門如水一灣更思躋壽
世希瑞遍塵寰

題李白春夜宴桃李園圖

飛觴醉月共遊盤銀燭燒闌興未闌漫惜光
陰如過客于今已作畫圖看

荔枝效竹枝詞

武夷溪畔艷僊粧晚日暉暉舫絳囊因風飛
過仙霞嶺惹得人間齒頰香

六月炎方候已秋枝頭的皪火星流一從上
苑傳清味不數尋常安石榴

倚欄暑退欲秋時手摘清香帶露枝何用沉
瓜並浮李星星一顆沁詩脾

行樂詩
卷三
閏六月望日立秋

遙天今日火星流
最好平分夏與秋
紈扇已輸一半冷
宵砧欲動十分愁
團團玉鏡懸雲漢
疊疊金波印斗牛
歌枕蛩聲吟不了
那知蝴蝶是莊周

題吳鎮清溪垂釣圖

一江春水如油綠
滿目春山看不足
春水春山共我三
南華二篇不須讀
渟淵清泚猶堪掬
聊把絲竿寄幽躅
扁舟不繫任去來
誰與

為羣鷗鷺驚頗知水清本無魚亦令人識求緣木

秋日聞黃鸝戲作

春光惜去生催去
秋信憎來強喚來
好惡恁殊誰聽爾
何須得得語高槐

題何浩萬壑松濤卷

長松能作風風作
濤聲瀉萬竅禁不鳴
曲高和者寡靜籟已入聽
濕翠復堪把壁間挂古琴成連不能寫

華嚴洞勒壁

別院駐鑿輿瞻禮招提境清曉趁風涼捫蘿
登絕頂嵌石老松蒼滴乳寒湫淨初上若無
路漸入多佳景豁然雲木開古寺橫山嶺石
龕月相間簷鐸風聲靜朱欄俯帝畿烟火富
閭井旋憇華嚴洞颯然衣袂冷深窺潛竇黑
微聽幽泉洄何須一指叅自覺萬慮屏

題文伯仁松岡竹塢圖即用其韻

椿槿休論大小年林泉佳處每陶然看予杖

策石橋度笑殺瞿曇論四緣

飼魚

臨流坐石磯忘機魚不避投餌試飼之引類
紛然至却知非釣竿在蒸心無忌清漣漾鏡
光一一堪數計因之識魚樂長歌發幽思遐
想天地間人物理不二有心鷗乃去去實人
所致吁嗟庸衆流勞勞為名利有時喪其良
反不如魚智若令貪釣鉤早作盟中味

張僧繇雪山紅樹圖

青女遺素英少男皴粉白依然五大夫鬚髮
轉寒碧丹楓未落盡臨風鳴瑟瑟墜粘文石
凹似點壽陽額斷橋驢背人彷彿孤山客

題李贊華射鹿圖

無心逐鹿人却作射鹿景逸麋飲箭羽奔駒
迅鞭影眼前馳逐忙事後渾幻境說偈伊有
餘司圍吾當省

蘆花

立秋纔數日蘆荻已含涼貼水弄明影飄花

作素粧風敲方瑟瑟露泣欲蒼蒼長咏伊人
什茲懷殊未央

題楊補之雪梅卷

雪以梅增秀梅因雪越芬清華誰可類色臭
捻難分卉裏傲青女植中友此君澄懷叅鼻
觀如是視而聞

題高克恭夜山圖即用其韻

虬松深處山千尺鑑水澄時月一方借問作
麼叅色相螺峰幾點是真常

往集詩補集 卷三
秋英粲然可觀感而有作

簇簇繁英各鬪奇短長秋色繞階墀
穠舍草木渾難備崇嗣丹青宛在斯
露浥忘憂方灑灑日烘解笑正熙熙
履霜轉眼堅冰至嗟爾芳華亦幾時

管道昇叢玉圖

石泉清且幽竦竦修而古淇澳作佳鄰
渭川即前淑空際琅玕敲月影龍蛇舞
靜對忘俗緣興在蕭疎所恍疑小窗中
瑟瑟吟風雨

邊景昭胎仙圖

飲啄蒼松下依栖蒼松上烟霞為伴侶
天宇誠寥曠婆羅門叫音臨風一嘆
吭衛軒非所慕華表應隣妄只悔離丹
臺俯仰由人狀

孟秋時享

太廟進宮齋戒見夾路禾黍油然可觀
喜而有作

有作

祈年常自凜淵衷多稼于今感
昊穹粒食端為玉食本黃雲已釀綠雲中
稍

紆念慮籌防歎敢弛憂勞為屢豐封牘時批
方牧奏今年各省奏報有秋畧同有秋還喜萬方同

秋夕齋居

秘殿無煩暑齋居念若何紹

庭欽

陟降撫序願中和祇慮心稍逸因之政有頗

清宵思治理星斗在銀河

孟秋時享

太廟

玉斗迴旋屆指庫金輿夙駕紫鸞鳴喬皇禮

樂陳

清廟紉縵雲霞煥寶楹陟降儼臨

神鑒赫顯承佑啓泰階平禮成肅穆瞻霄漢

何限依遲霜露情

每有吟咏輒以示大學士並南書房翰

林等或命依韵迭和非以辭藻相誇

尚幾暇之餘相與優游翰墨亦可以

陶性情驗政事比之徵歌選舞不猶

愈乎因書以示之

宣尼曾有訓羣居不及義况在君臣間尤貴
 同茲志譬彼舟楫具大川方堪濟彼民有隱
 情孰為達其意或政有偏頗孰為防其弊三
 百一言蔽曰惟無邪思可知詩教正其葩乃
 餘事維予忝民上奉三而出治所愧理未純
 因之政多戾皤皤二三臣咸具經邦智濟濟
 翰苑英亦有責難誼因言匡不逮所益良匪
 細若徒獻頌詞恐滋後來議

賜大學士鄂爾泰

早年勲績振南蠻黃閣論思久任艱五載憂
 勤肩燹理兩朝寅亮首清班允期舟楫川同
 濟何啻門庭水一灣申甫蕃宣周碩輔敷予
 惠澤滿人寰

賜大學士張廷玉

喉舌專司歷有年兩朝望重志逾堅魏公令
 德光閭里山甫柔嘉耀簡編調鼎念常周庶
 務勞謙事每效前賢古今政蹟如懸鑑時為

蒼生咨惠鮮

賜大學士福敏

元老由来衆所儀
巖巖班列帝王師
每當咨治披香日
恰似談經絳帳時
入贊經綸常補闕
退朝劍佩自委蛇
兕行學始循佔畢
啓導重勞下講帷

賜大學士徐本

黃閣登賢俊清時
佐化工調羹推贊理
運軸每抒忠恩澤
敷霖雨絲綸布巽風
愧予非舜

禹弼亮古今同

題董其昌葑涇做古小軸

攜李歸來信宿停
一帆春雨阻葑涇
尚饒濕潤虞霑手
能爾為耶筆有靈

七夕

經年睽隔意如何
幽恨偏饒一月過

今年閏六月故

天上尚然歡會少
人間漫道別離多
空庭

設席陳瓜果
別院拋針列綺羅
詎用竒文誇乞巧
倚欄長咏眄銀河

乞巧吟

小巧害其身大巧害及人倏忽鑿混沌反以
喪天真五音令耳亂五色令目昏離婁與公
輸技也寧足論彼巧如可求得失亦已分况
其不可求跪拜何紛紛今夕乃七夕瓜果良
具陳中庭供星象河鼓與天孫再拜前致辭
欲言還逡巡惟願乞大拙猶可守吾純

賜內大臣常明

禁籟宣勞久恩隆志愈虛潔身正羣僕扈蹕

典周廬每以嘉謨告因知丹悃摠清時無折
檻不用叩階除

偶成

風在窗櫺月在檐無邊風月任吟拈花因幾
暇香偏遠詩到秋來興亦添剩有蟬聲催露
柳恰饒螢火度鰕簾封章問有何人奏階下
丁丁響玉籤

初秋偶閒

幾餘贏得片時閒鏡澈波光儻染山風挾秋

來偏拂袖花因暑退亦開顏
龍蟠戶牖松千尺琴響階除水一灣
官逐物華臨別院徘徊獨立憶民艱

秋雨初晴園林即景

雨洗高空淨雲依遠岫還氣將人共爽
心與物皆閒蟬噪猶思暑林稀欲漏山
波光接天色含素一般般

賜和親王

桐圭傳錫慶棣萼喜連芳樂善輝編簡
維城

佐廟廊允堪稱玉葉不愧表銀潢
嘉爾抒丹悃承恩並日長

賜怡親王

屏藩重寄賴宗臣夾輔宣猷翼紫宸
盡職從知忠藎切好書猶見性情醇
銀潢派裏圭璋器花萼樓前雨露春
善體貽謀須黽勉永承惠澤薦親親

玉泉秋清

山色因秋淨溪光漾日明
會心原在遠稱物

亦施平凌漢松千尺憑風鶴一聲野葩猶覓
秀不覺可憐生

中元觀河燈

太液澄波鏡面平無邊佳景此宵生滿湖星
斗涵秋冷萬朵金蓮徹夜明逐浪驚鷗光影
眩隨風貼葦往來輕泛舟何用燒銀燭上下
花房映月榮

賜大學士查郎阿

玉陞資調燮西陲運計籌持鈞推舊德補袞

著嘉猷可繼蕭曹業還同韓范儔江湖典廊
廟莫釋一心憂

賜大學士趙國麟

岱嶽鍾靈秀閩疆播姓名巨川資作楫上鼎
藉調羹諸葛抒忠藎文公獨老成每當前席
問何以福蒼生

直隸總督孫嘉淦奏進穀穗長盈尺以

上既以示羣工爰詩以紀之

勤勞宵旰念民艱志切祈年政所關祇以雨

賜均

帝澤遂教豐稔遍人寰祥呈畿輔黃雲滿瑞
紀倉箱綠野閒喜與張公同此意每觀嘉穀
一開顏

賜工部尚書來保

卿月光華燦廟廊分曹布理賴匡襄訓垂虞
典天工亮職列周官地利詳誠懃允堪昭倡
率訐謨時切贊平康老成自合叨榮澤常領
清班駕鷺行

觀穫

白露湛郊原西成候已至綠野滿黃雲紫莖
垂絳穗銍艾茲其時錢鎛良具庠幾餘臨別
院農務觀次第值此歲云稔實感天所賜念
予恤民艱常凜祈年意積以三時憂今朝乃
大慰

夜雨寄興

憑將一夜雨添得幾分寒梧葉依微滴珠簾
想像看咽愁蛩羽濕芳歇蕙心殘獨有高吟

客悠然興未闌

題元四大家畫幅合璧

黃子久秋壑蕭齋

千山葉落山容出
吟秋萬竅琴瑟疾
蕭齋搆處面羣峰
插架圖書三萬帙
只此虛無守谷神
坐來一日似兩日
問誰多事洩山靈
黃氏大癡走健筆

吳仲圭寒溪略約

溪邨待渡無輕舟
略約支波當人脚
寒烟漠

漠野塘秋似有行人
隔叢薄漁兒一棹破滄
浪短笛無腔隨意樂
紛紛名利付青雲
愛此蕭閒興所託

倪元鎮瘦石踈林

枯枝踈葉披風霜
颯然特立苔石旁
下無幽人相徜徉
上無繁葩弄芬芳
倪迂妙筆勁且蒼
繩墨不中庸何妨
千年尺素含幽光
不教金碧誇李唐

王叔明春雲出谷

春氣濛濛濕林麓蒸為靈雲滿春谷板橋杖
策者何人芙蓉為巾薜荔服悠然獨往還獨
歸那管世間榮與辱我亦無心如此圖長日
卧遊猶不足

命婦索綽羅氏年一百三歲矣其子孫
皆多壽五世一堂信人瑞也萬壽節
扶掖入見喜而有作

泚範能修四德賢飲和猶占萬民先百齡瑞
慶傳都下五代孫曾繞膝前天上海恩霑雨

露人間不老即神仙更期壽世多黃耆共樂
昇平大有年

中秋日恭侍

皇太后萬善殿瞻禮隨遊瀛臺諸勝敬成一
律

金風玉露共徘徊為奉

慈遊特地來璧月圓時瞻月相壺天深處是
天台香飄桂子堆金粟酒獻南山作壽杯無
限歡欣隨輦道人間端的有蓬萊

庚申秋日經筵

皎日麗中天金風拂細旃右文遵舊制典學
重經筵為進邦家彥爰咨經史詮探淵思汲
古望道未忘筌制事應惟義執中猶在權是日
進講中庸執其兩端用其中於心恒期洞洞
民尚書以義制事以禮制心志每勵乾乾緬想萬民上端資百爾賢周行
須示我莫謾頌豐年

中秋日有菊

節候因逢閏金英早冒霜韻將蘭並遠色與

桂爭黃映月參差影迎風清冷香中秋先看
菊彷彿過重陽

御製詩初集卷之四

古今體一百首 庚申二

秋日奉

皇太后駕幸南苑即事八首

歲荷

天恩慶有秋欣陪

慈輦駕龍輜如京畿甸風光好萬戶歡聲夾

道周

虞人建幟甸人隨南苑秋清好獵時閱武此



公

街裏詩林集 卷四
來兼省斂香風餅餌拂旌旗
萬物熙和大造中郊原輝映苑門紅承
歡仰識

慈顏豫祇為

天恩錫屢豐

羽衛森翹出帝城順時清蹕此巡行金吾底
事頻傳警便欲周知問巷情

十里秋光伯帟畫一鞭斜日晾鷹臺衆中掄
得穿楊手琥珀光濃賜御杯

扈從長承

凌日暉五雲高捧鳳輿翬問

安戶外親調膳手射郊原鹿正肥

離宮月影透書窓法曲時聞畫鼓縱題柱吟

餘思往事不知絳蠟炷銀缸

從來稽古戒禽荒宵旰勤勞敢刻忘懽樂正
饒還止輦屬車侍從有東方

秋夜南苑行宮懷舊疊前韻

松菊迎人似有情離宮月朗正秋清舊題乍

展懷重繫新句頻拈興轉生吹籟踈林金氣
肅透窗寒影玉鉤明倚吟驚破紅塵夢嘹唳
天邊雁字橫

閱馬

平原草色著霜初試閱天閑萬乘餘鳳耳臨
風多駉駉龍鬣耀日有驪魚滂誇唐牧張千
錦何用周王歷八虛燕市驪黃掄選遍遺材
猶恐伏鹽車

南苑雙柳樹

南苑雙柳樹昔年何蔥菁兩株立平原千絲
織晚晴因循失其一獨樹若無榮至今行路
人猶道雙柳名豈無補植者枯萎率不生嗟
哉草木質尚有相憐情徘徊不能去長歌代
柳鳴

咏盆中小菊

宸慶東籬種移陪淨几芳亞盆舒冷艷擢秀
先重陽辭圃霜羞傲窺簾蝶任忙花師能位
置偏稱小松旁

夜雨

浙瀝聲傳三寸雨
琳琅韻響幾枝桐
寒更歇
枕渾難寐
念在茅檐
部屋中

桃葉落

芳園秋始半
衆木森疎繞
綠陰正如滴
參差青未了
拏舟尋桃溪
忽似三秋杪
葉落餘枯枝
風動驚飛鳥
榮悴一何殊
其理殊未曉
匆有一圃師
鄙言含至道
云當三春時
此花開獨早

秋蝶

余風蕭颯吹籬落
紫花濛濛抽萼弱
何來雙蝶弄
午暄栩栩深叢間
且樂夜寒白露零
秋英芳菲徒憶三
春榮君不見千年
鶴立青松頂
不逐春融耐秋冷

郊外即事

三秋野景察天迴
一抹斜陽晚照明
最是豐年饒
氣象村村社鼓慶
西成霜落平原好
合圍無心從獸
玉鞭揮愛觀富

有千村景兩字探原食與衣
郊圻犬吠雜雞蹄策馬霜華點素袍收穫纔
完仍播麥田家四季捻勤勞

射鹿行

金颼獵獵吹旌旗秋獮試合平原圍平原有
鹿碩且肥呦呦母子相追隨虞人旬人爭逐
之小鹿跳躍雖無知老鹿顧復獨含悲念彼
物類猶仁慈爰命解網任遠馳匪余小惠拯
其危物亦有倫人胡遺嗚呼射母不射子明

帝雖賢全半美

田舍

田舍紅門外揮鞭日影斜繞村流曲水髹架
剝秋瓜耜板寒敲圃縹車夜績麻勤劬有餘
樂官稅早輸衙

德壽寺古鼎示僧

暉暉曉日射祇園一滴曹溪覓法源古鼎無
言傳妙偈何須方丈悟風旛

絕句八首

東望颺晴烟西來雨陣懸
勒馬看天色陰晴
會一川

野菊小於鈴家菊大於盃
今朝馬上看隨分
作清伴

棘刺牽人衣剪棘衣裳破
不如驅青驄遠向
平沙過

雨過溪聲壯風來樹影搖
一羣寒鳥亂幾箇
戲魚跳

小徑曲通邨秋壺挂短垣
熙熙皇古世欲咏

已忘言

野雞啄枯草偶罹網與羅
家雞飽稻梁鼎烹
一何多

白露冷為霜寒叢秋豔萎
溪岸轉蕭疎剩有
碧潭水

金風來西北籟聲響萬竅
風收萬籟無誰識
其中妙

晚

鳴笳催落日畫鼓震金風
馬應傳呼聚天臨

御製詩林集 卷四
曠野空轅門羣衛肅席帳列燈紅武備從來
整時巡制亦同

懷舊戲作

當年頗有少年心上馬飛馳下馬吟今日殷
憂勝瀟灑壯懷減却杳難尋

雨二首

細雨落還止油雲斷復行當秋著物冷灑迥
織絲明溪口添新漲簷牙續舊鳴來朝直北
望天淨五雲城

麥壠綠菲菲秋苗潤更肥因風鳴淅瀝入夜
聽霏微此際方增冷何人未授衣先民憂樂
切詎隔九重扉

孤雁

關塞勞來往孤飛意不舒猶知失羣恨漫憶
寫空餘飢怨衡陽月竒傳漢使書寧同衛公
鶴空自駕軒車

彰儀門

彰儀門外城墻下土壘背城面平野上留方

德業言不集 卷四
孔下孔圓不知此是何為者匆有老翁指點
言傳聞詎識實與假明代堵築防流賊孔以
施礮壘拒馬少時見壘已傾頽荆榛櫛比知
者寡我聞此語興咨嗟感懷欲置不能捨勝
國君臣守禦嚴即今胡為屋其社由來守德
勝守險地利不如人和也長歌一曲非誇強
周鑿在殷殷鑿夏

庚申仲秋丁祭

先師孔子

法

祖恢文德崇儒禮

素王晨光開輦輅露氣浥旂常寅祀心恒凜
丁辰日正陽皇皇陳禮樂肅肅對宮墻言念
百王後身登

夫子堂君師誠有愧仰止志方長

盆中竹

未改渭川質遙從淇水分影搖銀燭亂籟藉
竹爐熏凭几坐清晝忘言對此君託根非得

地漫想勢干雲

皇考實錄聖訓告成恭紀長律四首

儒臣橐筆久摩研

赫濯聲靈信史傳法則昭垂千萬禩

勤勞想見十三年誠孚度索懸橦地象應聯

珠合璧天寶錄拜觀欽

陟降衷忱可勝凜冰淵

實錄端惟實政書敢將繪藻飾空虛推車有

賴賢全網折檻無煩莠早除敬凜盤銘

湯刻器試揮薰雅

舜垂裾紹

庭難繼勲華盛幾度沈吟味訪予

詎止刑清政亦清德威惟畏德明明列卿朝

退宵書思野老春深晝課畊共仰

精勤周庶物可知

恩澤沛寰瀛趨

庭早識綏猷本一字書紳道在誠

音容五載隔雲天乍捧琅函浚湧泉

御製詩林卷四
提命無能窺蕩蕩纘承有志矢乾乾萬年孫
子欽堂構四海謳歌被管弦法
祖敬

天心不已千秋徽懿映瑤編

九月初八日作

沿階菊蕊綻新黃淨洗秋霖散冷香日暮霏
霏猶未止只疑風雨過重陽

重陽

一夜雨廉纖新晴景倍添日暄烘菊蕊雲散

露峰尖秋色重陽勝詩題即事拈登高堪眺
遠四面捲珠簾

秋深

霜重踈林楓葉丹菊心勻綻蕙心殘已知物
理同周夢愛者裘衣勝楚紉天地無情秋亦
老溪山不盡畫應難却裁新句閒消遣一曲
商風倚石欄

中夜

中夜園林靜徘徊獨散襟漏聲傳閣上蛩語

御製詩集 卷四
咽墻陰化理慙無術憂懷轉不禁松梢一片
月照我為民心

恭閱

太祖

太宗

世祖

聖祖

世宗實錄聖訓告成敬紀五言排律二十四

韻

豐沛貽謀遠

天人應德同明綱方掃地

帝顧實維東用淨櫂槍氣徐開闔闔風麻凝

皇有極德厚

祚無窮開創駕千古驅除僅一戎三韓恢

舊業萬國仰

重瞳爰布明堂令方吹解谷筒順時敷巽命

馭物凜

乾衷徃者滇南亂曾煩八陣攻運籌盡伊呂

奮力搃羆熊奏捷憑邊將
頌恩自法宮平成歌

聖德熙皞戴

神功道洽陰陽序時清禮樂崇詩書延俊秀
恩澤被昆蟲茹拔交成泰芒銷象應豐戎行
甲沽酒村婦乳孳童六十一年久
皇王帝治隆春秋旋氣運張弛協

蒼穹日昃猶

勤政民安更省

躬懽呼遍白叟聲教屆烏蒙緬想承

光烈端惟予幼冲紹

庭勵初志推斗賴羣工成憲猶堪鑒孚承或
可通永言欽

陟降勝似拜崆峒

晚圃

晚圃蕭疎甚秋光亦可吟桔槔閒井畔蟋蟀
聚墻陰萼老霜壺墜花稀風蝶尋白駒驚過
隙撫景愧君臨

讀杜子美集有感

男子妬名祿女子妬顏色古今坐此病幾喪
人家國不惟庸衆流英才每被惑卓哉少陵
翁獨能秉謙德當時言詩者非甫則云白觀
其寄李詩自謂如不及其實蘇粟言何用誇
竒特茲人嗟已往誰得其正脉獨嘉不伐心
永言以為式

心遠閣秋眺示大學士及南書房翰林
等

一指當人前不見泰山高離婁閉目時詎可
察秋毫至人用心鏡萬物不能逃王者明四
目智燭良獨揅茲閣名心遠寓意豈在遙結
構山之巔俯仰近雲霄况值三秋深天氣高
沈寥葉落萬林踈憑眺心神超伊余有遠思
匪戀物華撩或情有壅蔽或民嗟苦勞或賢
當登進轉令在下僚或時雖小安遽益志氣
驕見理有不周愆尤自此招辯言有未當是
非致混淆心遠之謂何豈謂眈荒郊即事因

自做此樂非遊遨

秋日侍

皇太后幸靜明園奉

聖母命敬成長律得佳字

翠羽金輿拂曉排離宮別館到秋佳野花隨

輦如春半行漏依人報午牌霜色風光凝翠

畢山容水態罨軒齋

慈顏悅豫陽和暖薄海同傾愛日懷

九月十八日立冬

閏月催時序

是年閏六月十五日立秋深

早立冬候風因驗政

欽天監每以交節時風

辯日每占農人跡霜華重山巒黛色濃園林

零落盡徒倚眄蒼松

昔聞

昔聞盤山側有谷名席里白額任縱橫居民

皆遠徙有一雲水僧結菴山之岬夜坐悟無

生曉起擔柴水忽然一席至是僧瞋目視孽

畜胡為來速去斯可矣席果掉尾去如聽彼

拍使自此衆鄉民號之為佛子僧亦自謂神
其實無他技無何席復來咤之厲且訾逐逐
行近前僧憇乃拜跪四鄰爭赴救席去僧早
死方知浪得名前番幸偶爾有名無實人可
以鑒諸此

紅葉

爛熳疎林九月時淺紅深紫著枝枝穠含秋
色闕全畫豔奪春光杜牧詩通野望來張幕
合沿堤觀去刺舟遲可知留殿園林景珍重

韶華是女夷

刺漏

刻漏響丁東朝昏轉不窮報時高閣上典學
寸陰中幾勅觀心放憂深念位崇宵耽耳目
好玩帽過年豐

玉泉山秋望

葉落邨樹稀山瘦秋容老偶來步巖磴霜跡
羊腸繞黃勻莎草坡丹襯楓林杪是時西成
畢田家獲萬寶却見場圃間比櫛誠美好稍

御製詩初集 卷四
喜衣食足猶慮追呼擾先憂後樂心未許侍
臣曉

永定河云有故道由中亭玉帶以達津
歸海總督孫嘉淦建議疏復及時興
作覽奏水已循軌民情歡躍爰成一
律
永定原無定千年衛帝京有源安可障無事
自然行玉帶清流合中亭故道并祗台恒自
凜宵旰望平成

御園秋深

雨餘涼轉峭徙倚日三竿秋老山川淨林疎
天地寬蛩音鳴節晚魚躍怯波寒消息憑元
化忘言仔細看

漏聲催日影倏忽過窗前霜履誠堪念秋闌
亦可憐登山應蠟屐載月漫開船一卷長隨
手幽風七月篇

冷

嚴霜催氣肅暖日上牕遲百卉繁華歇三秋

節候移生憎棉絮薄無那朔風吹寢念茅檐
下祁寒怨者誰

題唐岱做各家山水畫冊

萬柳含烟

宿雨朝烟二月時輕黃嫩綠一絲絲却教少
婦愁添乍無那王孫歸意遲窄地欲迷芳草
路因風時弄小腰支扁舟刺處春何許蘸影
如油上下宜

萬頃恩波

浩渺含太虛一色琉璃影畫師創新格恩波
圖萬頃故知寓意深筆諫吾須領惟予救萬
民馭朽恒自警或理有壅蔽或政過寬猛或
民怨飢寒或時有災眚慮澤不下逮中心常
耿耿披圖鑑已切愈以發深省

萬笏朝天

遠山插笏曾無數黛色參天正近秋窳愛茅
菴坐清晝琤琮常聽瀑泉流

萬松疊翠

王蒙真蹟無半紙妙處何人得神髓尺圖重
寫萬松真生面蒼蒼喻非指勁幹蟠拏偃蓋
高虬龍深夜因風號緬想山中高卧客柴扉
靜掩聽寒濤

萬點青荷

清和風景別桂棹漫開舫傍岸試新屐沿波
疊小錢因風時泛泛暎日故田田極目蒼茫
外琉璃破曉烟

萬林秋色

黃葉紅葉綺錯山色樹色霜勻不必詩誇小
杜恍疑人在三春

萬壑祥雲

萬壑祥雲滿千林瑞色籠可堪廊廟見只合
畫圖中

萬水朝宗

君不見廬山瀑布三千尺萬古銀河倚天碧
又不見龍門初闢神禹功九曲滔滔終向東
是知觀乎海者難為水披圖更悟其中理瑋

行會言不集
卷四
吟興豪會心在此原非此

萬竿烟雨

有猗者竹在彼渭川乃含宿雨乃帶朝烟其
色維何非螭非妍其音維何非管非弦有客
坐對羗民之先其屋何有四壁蕭然其手何
持道德一編逸民也歟吾何得而致焉

萬峰瑞雪

漫空飛玉屑插漢列瓊瑤寒澁溪流斷冰凌

楓葉凋石磯閒釣艇古寺閉僧寮有鳥巢枯
樹無人過小橋皚皚迷萬壑密密布三霄滕
六分明在雲深不可招

秋夕齋居

玉漏迢迢夜漸長心因幾暇轉徬徨忘言獨
憶誠和理不覺金猊篆炷香

賜總河高斌

禹功萬古仰平成疏濬隨時賴俊英淮浦建
牙資保障黃流奏績久澄清息機早是無穿

鑿順性猶然矢樸誠潘靳嘉猷編簡在明潘
木朝靳輔皆千秋惟爾繼賢聲季馴
能治河者

十月朔日頒時憲書

九瀛咸奉朔四海正同文禮特遵

先制時惟授大君令頒懸度地澤被鷺鷥羣
欽若心恒凜鑿工政益勤

庚申孟冬恭謁

泰陵敬成六韻

音容五載隔思慕百年深徒抱終天恨何堪

過隙陰紹

庭方有志撫序敢忘欽松柏森元路雲霞護
碧岑

鼎湖驚痛定

冠劍式如臨佇立瞻霄漢空餘泪滿襟

良鄉道中

白日澹空原黃沙捲去轅愛看風擺麥驚起
兔藏垣稌黍堆寒圃牛羊下暮邨前驅漫傳
警言欲酌小民言

寒雀

驅車涑水道野曠風蕭蕭日出嵐霧斂邨木
森寒條凍雀三五羣依依棲霜朝晚穗收穫
盡飢寒苦無聊啾啾如鳴悲春陽愁正遙野
鶴翔高空清唳響雲韶霜翎耐嚴冬稻梁不
可招或時斂翮下千尺長松梢俯視衆寒雀
嗟哉爾徒勞

過水東邨怡賢親王瑩有感而作

一德叨

恩寵宗臣事業恢敬誠

天語定明達性根來長想功垂冊徒傾酒滿
杯依遲傷物化况復謁

陵迴

日暮

日暮遙山斂翠微幔城燈火徹宵輝馬嘶平
野聞呼聚人指高竿覓路歸行漏明分甲乙
夜封章獨勅萬千幾時巡到處闕民瘼豈為
嬉遊騁六飛

月

天空烟影淡夜永月輪寒照野宜行旅流光
逐馬鞍分明銀漢濶遮莫客途難席帳拈吟
處悠然興未闌

野老

野老扶鳩杖相逢詢歲功翠華渾不識猶有
古民風

古寺疎鐘

月上前邨鐘乍鳴春容斷續一聲聲早知幻

有皆虛夢逸思推敲空復情

古墓

青燐夜照墓門紅苔長殘碑字半蒙冷泪滿
匡翁仲雨悲號四起馬牛風那知觸景傷行
客漫慮樵薪有牧童未至為田非較勝滄桑
屢變古今同

夜

入夜人聲靜霜鐘古寺撥燭天明野燒如豹
吠邨龙理欲猶堪驗憂忡孰與降裁詩非遣

興蠟燭小檠缸

御園初冬

軒齋亭午日暄妍一弄明
牕暖更鮮漫惜園
林饒寂寞青山黃樹小
春天
曲池風定曉來冰漸暖
陽和散復凝恰似玻
瓈鋪鏡面祇堪觀玩不
堪憑
獸炭初紅愛地爐封章
頻問到來無分陰應
惜窮陰候一字常懷敬
作符

鏡

人以鑑妍媸我以鑑減否
摩抄照膽寒莫使
緋塵索

賜尚書史貽直

中樞掌九伐峻望近三台
經畫資心膂訂謨
佐鼎梅常存葵藿志不愧
棟梁材書思恒繩
糾嘉猷佇獻來

賜尚書那蘇圖

分署列西曹明刑重任搽
體予欽恤意嘉爾
匪躬勞劍佩環宸極綱維
領俊髦好生前訓

律書言不集 卷四
在師法是臯陶

讀孫樵大明宮殿賦

喜聞祥瑞厭聞災祇為迷雲撲不開短賦喚
醒千古夢始知方朔善俳談

芟樹

園中植衆木叢生各向榮成陰蔽庭軒弄影
交枝莖櫝棘苟不分砒砒終混瓊當此墮穉
時本質一以呈繁柯紛雜揉芟削令其清良
材被隱遮去之不留停稍稍施人力便覺助

山靈綠梅三冬姿青松百尺亭譬彼稂莠除
嘉禾乃勃生芻人為我言其言似可聽物物
具生意枝枝含勾萌一朝別去取厚薄殊失
平我聞初諾之細思吁可驚若存姑息心未
達此中情

曾知白羣峰雪霽圖

千峰餘積素萬壑闢新晴
牕色明螺罨溪聲雜玉鳴
林疎噤鳥語遙冷絕人行
消得陶居士茶鐺著意烹

題宣和谿山秋色小景

雨郭煙村白水環
迷離紅葉間
蒼山恍聞谷
口清猿啖
良嶽秋光想像間

夜靜觀書

看書如看山其境日日殊
隨境不會心多聞
不如無况乎辨治亂
因以別賢愚豈徒誇英
華言行湏同符
念予志學時所慕
君子儒詩亦尊
李杜文亦宗
韓蘇要歸踐履實
聖言非我誣
即今持治柄
豈不慕唐虞
措行始知艱
慮為空言徒裁詩
銘座右庶幾日警吾

蘇軾偃松圖

東坡先生倔強人
畫禪筆陣皆相似
禿豪特寫老松枝
老松枝偃性不死
譬如壯士頭可斷
古心勁節焉肯毀
磕敲應作青銅聲
虛堂謾謾寒濤起

冬至齋居

消息初陽復
南郊大祀臨
一衷思

帝載至日見
天心丙夜幾常勅齋居念轉深燭紫將對越
惴惴敢忘欽

冬夜盆梅

不必待明月依然見美人寒香凝篆縷破蕾
貼花茵得句思前詠耽梅是宿因剪檠相對
霞清絕兩無塵

冬至次日

慈寧宮行禮

霜薄觚稜旭影浮彤墀拜舞動旗旂初陽暖
律迴葭管亞歲祥光繞鳳樓萬國歡心同孝
養六宮

壺教霈恩流年年最喜稱觴日常近增添海
屋籌

吾弟和親王誕辰詩以壽之

華萼同枝氣本親鶴原分豈隔君臣願予作
后多乾惕知爾維城亦苦辛緬想飛觴桃李
下已看流駛歲時頻喜逢綵縷添長算立字

御製詩集

卷四

毋忘望汝純弟亦三十歲故云題顧愷之洛神圖

賦本無何有圖應色即空傳神惟夢雨擬狀
若驚鴻子建文中俊長康畫裏雄二難今並
美把卷拂靈風

左都御史王安國出撫粵東以伊父年

屆七旬奏乞封典特允所請並詩以

賜之

憲府裁冠際巖疆駐節初仁風敷嶺海慶日

永遄除紫鳳忻啣誥斑萊試舞裾更希臻上
瑞舉世樂華胥

